

¡BOMBA!

Y ahora que el vandalismo  
causa grandes apagones;  
con esas explicaciones,  
¡ya búsquense un exorcismo!



# K'untzil

Miércoles 2 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2802 · [www.lajornadamaya.mx](http://www.lajornadamaya.mx)

## Anthropic tu k'askúuntaj u seten ya'abil áanalte'ob yéetel le tu tséentaj u Inteligencia Artificiali'

Tu ja'abil 2024e', u mola'ayil inteligencia artificial (IA) Anthropic' tu káajsaj jump'éeel meyaj ti'al u manik u millonesil áanalte'ob, u lakik u wáalalo'ob, u escaneartik yéetel u k'a'abéetkunsik ba'ax ts'ibta'ane' ti'al beyo' u yantal ba'al ti'al u téentik u modelosil IA.

Proyecto Panamá u k'aaba' le meyaj, ts'o'oke' mixmáak u yojel mix ba'al yóok'olal tak ka k'i'itbesa'ab tumen juntúul juez tu distritoil Estados Unidos, maanal 4 mil u wáal ju'uno'ob yanchaj úuchik u beeta'al jump'éeel tak pool ti'al u k'áata'al ka chiimpolta'ak derechos de autor.

Ich tsikbal tu beeta'j máax jo'olbesik Laboratorio de Inteligencia Artificial Microsoft, ichil u noj najil xook Univesidad Nacional Autónoma de México (UNAM), Ismael Everardo Bárcenas Patiño yéetel La Jornadae', tu tsolaj u modelosil IAe', je'el bix

xan le ba'axo'ob beetik u meyaj chatbotse', ku k'a'abéetkunsik jach táaj ya'abach información ti'al u núukik le ba'axo'ob ku k'áata'al ti' yóok'olal toj óolal, kaambal, ichil uláak' ba'alo'ob.

"Wa k ch'a'ak jump'éeel áanalte' yóok'olal ts'áak ti'al k ka'ansik modelose', ku cargarta'al le datoso', ts'o'oke' ku béeytal túun u k'a'abéetkunsal le informacióno', ti'al túun u na'ata'al wa ba'ax yo'olal le ba'ax ku k'áata'alo'", tu ya'alaj.

Ti' uláak' tsikbal beeta'abe', Rocío Aldeco Pérez, máax jach kaambanaja'an yóok'olal criptografía, cadena de bloques yéetel sistemas distribuidose', ku tukultik le ba'ax j-úuch yéetel Anthropic' jump'éeel ba'al ku chiikbesik bix u tséenta'al IA, tumen ti'al lelo' ku kaxta'al uláak' tu'ux u jóok'sa'al información; jumpáay ti' le yaan te'el Interneto'.

"Yaan úuchben áanalte'ob, mix juntéen digitalizarta'ab; le beetik ba'ax ts'ibta'ane', mix juntéen k'a'abéetkunsal ba'al ti'al u tséenta'al le ba'alo'ob je'elo'; le beetike' u k'uchul máak yiknale', jump'éeel bix je'el u yila'al wa le ba'ax ku ya'alik te'elo', maas je'el u ma'alobkúunsik u modelosil kaambal ts'o'ok u yáax beetchajalo'".

Legal ju'uno'ob k'i'itbesa'ab yéetel xak'alta'ab tumen The Washington Post tu chiikbeso'ob Anthropic' tu ch'a'aj le áanalte'obo', ka'aj káaj u k'i'itbesik kex ma' tu chiimpoltaj derechos de autor. Te'el xano' ku ya'alal Anthropic' tu manaj u millonesil áanalte'ob ts'o'ok u yáax meyaj'o'ob wa tu'ux. Ichil ba'ax tukulta'an u beeta'al yéetelo'obe', leti' u xo'otol u paacho'obe', ti'al ka escanearta'ak u wáalalo'ob, ti'al beyo', u k'u'ublajal ti' jump'éeel mola'ay ku reciclar.